



GIPUZKOA



ETA EUROPAR BATASUNA

162. INFORMAZIO BULETINA

> 2021ko urtarrila



GIPUZKOA



NABARMENDU BEHARREKOA

> **Gipuzkoako Foru Aldundiak "Europarekin guztiz lerrokatutako" aurrekontu-proiektu bat aurkeztu du, 983 milioikoa, 2020an baino %7,4 handiagoa, Euskadi Next-erako aurkeztutako proiektuak, Climate KIC eta beste batzuk barneratuz**

Gipuzkoako Foru Aldundiak 2021erako aurrekontu orokorren proiektua aurkeztu du: 983 milioi euroko aurrekontu propioa proposatu du, aurreko ekitaldiarekiko 68 milioi euroko hazkunde esanguratsu batekin (+% 7,4), alegia. "Bizi dugun maila anitzeko krisi honetan, egungo beharrei aurre egiteko eta pandemia osteko etorkizuna eraikitzeke tresna indartsu gisa aurkeztu ditugu 2021eko aurrekontuak", defendatu du Markel Olanok, Gipuzkoako diputatu nagusiak. Gogorarazi duenez, egungo krisi soziosanitario eta ekonomikoaren aurrean zaurgarrienak diren pertsonak eta kolektiboak babestean jartzen du arreta Foru Aldundiak, eta 2021eko aurrekontuek ahalegin horretan jarduteko aukera emango dute. Aldi berean, Aldundiak Gipuzkoaren etorkizuneko ekonomiaren zutabe izango diren proiektu estrategikoak landuko ditu.

Foru arduradun nagusiak azaldu duenez, aurrekontuen proiektua hiru ardatz nagusiren inguruan egituratzen da: krisi soziosanitariori aurre egitea eta ekonomia suspertzen laguntzea izango dira lehenengo biak. Hirugarren jarduera-ildoak pandemiaren osteko agertokia eraikitzean oinarritzen da, eta horrek esan nahi du, praktikan, Aldundiaren jarduera-ardatzen % 100 bat datorrela Europak agertoki horretarako ezarritako jarraibideekin: digitalizazioa, iraunkortasuna, erresilientzia... Proiektu estrategikoen esparruan, Aldundiak ekimen horiek 38,5 milioi euroko inbertsioarekin finkatzen ditu, gehiena Euskadi Next planean sartu diren proiektuetarako. "Konpromiso osoa dugu proiektu horiekin, Europak laguntza eman ala ez", defendatu du.

Partida honela banatzen da: MUBIL (17 milioi), Adinberri (12,4 milioi), Elkar-EKIN (3,3 milioi), Naturklima (3 milioi), ZIUR (1 milioi), Arantzazuko laborategia (0,6 milioi), Koldo Mitxelena (0,6 milioi), Euskararen Berrikuntza Zentroa (0,4 milioi), LABe (0,3 milioi). Proiektu estrategikoekin batera, Aldundiak inbertsio handia egingo du digitalizazioaren eta eskaintzen dituen zerbitzuen modernizazioaren alorrean, eta beste 38 milioi euro bideratuko ditu horretara.

Diputatu nagusiaren arloari dagokionez, 24,2 milioi euroko zuzkidura izango du, aurreko ekitaldian baino % 5 gehiago. Igoera hori Arantzazuko berrikuntza sozialeko laborategian aurreikusitako inbertsioek eta Climate KIC-ek, Europar Batasunaren eremuko programak, eragin dute.

(informazio +)



> **ZIUREko, Gipuzkoako Industria Zibersegurtasuneko Zentroko laborategi berriaren irekiera egin da, EBren Next Generation berreskuratze-programarako Euskadiren proposamenean sartutakoa**

ZIUR, Gipuzkoako Zibersegurtasun Industrialeko Zentroak zibersegurtasuneko laborategi aurreratu berria inauguratu du.

Markel Olano Ahaldun Nagusiak gogoratu du proiektu hau Next Generation Euskadi planean sartu dela, 4,6 milioi euro eskatu direlarik, eta guztira 13,8 milioi euroko inbertsioa aurreikusten delarik. "Gaur gaurkoz, krisi ekonomiko larriari ari gara aurre egiten, Europarekin lerrokatuta, suspertzea digitalizazioaren eskutik etorriko dela sinistuta eta gure enpresen transformazioarekin konpromiso irmoa hartuta. Bide honetan, ZIUR gure lurraldeak duen erreminta nagusienetakoa da", Olanok aldeztu duenez.

Markel Olano Gipuzkoako diputatu nagusiak instalazio berriak bisitatu ditu, "punta-puntakoak" direnak, eta hauekin ZIURen proiektua "behin betiko kontsolidatzen" dela azaldu du. "Segurtasun digital industrialaren esparruan eskualde eta nazioarteko erreferentzia bihurtzeko lurralde gisa egiten ari garen apustuaren erakusle argia da", adierazi du.

Azpiegitura berriak 350.377,85 euroko kostua izan du (BEZa barne), eta Gipuzkoako enpresa industrialentzat, zibersegurtasunaren sektorearekin lotutako ekoizleentzat (bai produktu industrialak ekoizten dituztenentzat zein zibersegurtasun arloko soluzioak egiten dituztenentzat) eta teknologia zein ezagutza zentroentzat.

(informazio +)



> **Gipuzkoako Ekonomia Berreskuratu eta Eraldatzeko Proiektu Estrategikoen, "PERTE"en, xehetasun berriak zabandu dira, Mubil elektromugikortasunean, Quantum konputazio kuantikoan, eta GANTT biomedikuntzan**

Gipuzkoako hedabideek urtarilean jaso dituzte Gipuzkoako "PERTE"en koordinatu nagusiak: Ekonomia Berreskuratzeko eta Eraldatzeko Proiektu Estrategikoenak, Estatuak proposatutako izendapenaren arabera. Proiektu horiek Euskadi Next Planean sartu dira. Plan hori Eusko Jaurlaritzak bildu du, aldundiekin eta euskal hiriburuarekin kontsultatu ondoren. Euskadik 5.702 milioi euro lortu nahi ditu 13.135 milioi euroko kostua izango duten proiektuak finantzatzeko; Europar Batasunak Estatuari agindutako 59.168 milioi euroen% 10 inguru dira, Covid-19 osteko aroari begira, Errekuperazio eta erresilientzia Mekanismoaren bidez (MRR).

Euskal Autonomia Erkidegoko 16 PERTEetatik, gehienak publiko-pribatuak, ekologikoak, digitalak dira eta alderdi soziala eta enplegukoa dute, Mubil gunea elektromugikortasunaren arloan, Gipuzkoa Quantum konputazio kuantikoan eta bioteknologian GANTT, edo Gipuzkoa Advanced New Therapies. Guztira, 387 milioi euro bildu dituzte, eta horietatik 181,5 milioi eskatu zaizkio Europari.

Quantum-ek hazi gipuzkoar bat du ardatz: Multiverse Computing startup-ak delakoaren berrikuntza finantza softwarearen esparruan, mekanika kuantikoa erabiliz. Foru Aldundiak eta Donostia International Physics Centerrek bultzatuta – eta Nanogune, UPV-EHU, BIC Gipuzkoa edo Mondragon Korporazioa bezalako bazkide estrategikoekin –, 40 milioi euroko laguntza eskuratu nahi du, 96 milioiko inbertsio osorako. Algoritmo kuantikoek, finantzak ez ezik, energia, trafikoa, botiken garapena, enkriptazioa, adimen artifiziala, iruzur fiskala eta prospektiba ekonomikoa ere optimizatu ditzakete.

Donostiak erreferentzia izan nahi du mundu osoan, GANTT-i esker ere (Gipuzkoa Advanced New Therapies). Aldundiaren eta Viralgene gidaritzapean dago, Gipuzkoan duela gutxi finkatutako enpresa dela azken hori, eta Bayer alemaniarrek erosi berri du, VIVEbiotech enpresa ere tartean dagoela; ikusmira terapia genikorako mundu mailako berrikuntzetan dago. Haien bektore biralak minbizien eta lotutako patologien aurka erabiltzen ari dira. Columbus inbertsio funtsak bultzatutako GANTT-ek 55 milioi euro lortu nahi ditu Europar Batasunaren laguntzarekin, 135 milioikoa delarik kostu osoa.

Elektromugikortasuneko Mubil Guneak 86,5 milioi lortu nahi ditu Nexten, eta guztira 156 milioi balioko du. Gipuzkoak ibilgailu elektrikoei begira laborategi bat izan nahi du Etorkizuna Eraikiz estrategiaren barruan.

[\(informazio +\)](#)



> **Gipuzkoako Foru Aldundiak eta ADEGIk EBren Next Generation plana baloratu zuten eta haren eragina ETEetara zabaltzeko beharra azpimarratu zuten**

Foru Aldundiak eta ADEGI Gipuzkoako Enpresen Elkartek lan-bilera bat izan dute, eta, bertan, egungo egoera ekonomikoari buruzko diagnostiko bat partekatu dute, bai eta enpresa-jarduera indartzeko eta COVID-19k eragindako krisiari aurre egiteko egiten ari diren ekintzei buruzkoa ere.

Next Generation Europako funtsen kudeaketa-prozesua ere mahai gainean izan da, bai Euskadi Next berreskuratzeko, eraldatzeko eta erresilientziarako inbertsio-programarena, zeinak Gipuzkoako 66 proiektu espezifiko biltzen baititu, eta proiektu horiekin 1.001,1 milioi euro jaso nahi baititu Europako berreskurapen eta erresilientzia mekanismotik, bai enpresek berek aurkez ditzaketen proiektuetatik. Era berean, Aldundiak eta Adegik lurraldeko egoera ekonomikoa eta enpleguaren egoera aztertu dituzte, eta azken sei hilekoko datuak hartu dituzte oinarri: langabezia-tasa % 9,4koa izan da, eta iazko urtearen amaieran, 11.600 pertsona zeuden enplegu-erregulazioko egoeran.

Eduardo Junkera ADEGIko presidentek azpimarratu du Next Generation "aukera, erronka eta erantzukizuna" dela. Europak ematen dituen baliabideak baliatu behar ditugu susperraldi ekonomikoaren eta beharrezko eraldaketa energetiko-ekologiko eta digitalaren oinarriak ezartzeko. Eraldaketa hori egiteko -gaineratu du- lankidetzak publiko-pribatua eta kalitatezko enpresa-proiektuak bultzatu behar dira. Ildo horretan, funts horiek enpresetara bideratzeko gai izan behar dugu, baita enpresa txikietara ere, digitalizazio-prozesuekin, ekoizpen-bitartekoen modernizazioarekin eta lehiakortasunaren hobekuntzarekin jarrai dezaten".

(informazio +)



> **Harkaitz Millán, Kultura diputatua: Seeing Auschwitz erakusketak "Europaren historia hurbilean dagoen izua gogorarazten digu"**

Koldo Mitxelena Kulturuneak "Seeing Auschwitz" erakusketa hartuko du uztailaren 3ra arte. Erakusketaren irekiera, urtarrilak 27, 1945ean Auschwitz-Birkenauko nazien kontzentrazio eta sarraski esparrutik sobietar tropek askatzearen ospakizunarekin bat dator; Nazio Batuen Batzar Nagusiak ofizialki aldarrikatu zuen data hau Holokaustoaren Biktimen Oroimenerako Nazioarteko Eguna izateko.

Erakusketa Gipuzkoako Foru Aldundiko Kultura Departamentuak ekoitzi du. Musealia Donostiako konpainiak sortu du, Auschwitz-Birkenauko Estatu Museoarekin, Nazio Batuekin eta UNESCOrekin elkarlanean, eta kontzentrazio-esparruaren izugarrikerien, behartutako lanaren eta nazien sarraskiaren inguruan hausnartzeko gonbita egiten du.

Erakusketa 5 espaziotatik egiten den ibilbide baten bidez antolatzen da. Bertan, lekuetako argazkiak, erretratuak eta lekukotzak erakusten dira, eta informazioa ematen zaigu berrikuspen hori egiteko eta Auschwitz buruzko "gure begirada" birkonfiguratzeko.

(informazio +)



KOHESIO POLITIKA

> Akitania-Euskadi-Nafarroa Euroeskualdeko "ezagutzaren ekonomia" arloan hautatutako 7 proiektuak eta 2021-27 Plan Estrategikorako lanak aurkeztu dira.

Euroeskualdeak ezagutzera eman ditu 2020rako "ezagutzaren Ekonomia" arloko 2. deialdian aurkeztu diren 24 hautagaitzetatik aukeratu dituen 7 proiektuak. Deialdiak 400.000 euroko aurrekontua du, eta helburua da filial ekonomiko bateko edo jarduera-sektore bateko erreferentziatzeko enpresak biltzea, "Unibertsitatetik hasi eta enpresaraino", euroeskualdearen ikuspegitik, Akitania Berriko, Euskal Autonomia Erkidegoko eta Nafarroako Foru Erkidegoko lurraldeetan kokatutako bazkideen arteko sinergiak eta osagarritasunak garatuko dituen proiektu baten inguruan.

"Fabrikazio aurreratua – Aeroespaziala – Aeronautika" eremuan, 68.700 euroko VALIDDANTENNESS proiektuak antenen metaleko fabrikazio gehigarriko teknikak aztertu eta baliozkotzea bilatuko du aplikazio espazialektarako, zehazki tamaina txikiko satelitektarako (small satellites). Nekazaritzaren eta nekazal elikagaien industriaren esparruan, AGROTIC HUB proiektuak 52.212 euro lortu ditu, eta 3 eskualdeetako nekazaritzako elikagaien enpresen eraldaketa digitala bultzatzen lan egingo du, mugaz gaindiko baliabideen hub (konexio-gune) bat sortuz, irtenbide berritzaile onenak enpresetara hurbiltzeko, bereziki ETEetara. Osasunari dagokionez, Euroeskualdeak 68.700 euroko finantzaketa emango dio Ikerketa Mediko Aplikaturako Fundazioari. BILEBANKen kasuan, helburua Euroeskualdean giza behazun laginen biobanku komun eta funtzionala ezartzea da. VASADIN proiektuak adineko pertsonentzako osasun-arretarako eredu bat definitu nahi du, balioa sortuko duena eta biztanleria-talde horrek balioetsitako benetako beharrei eta osasun-erantzunari erantzun zuzena. Energia berriztagarrien sektorean bi proiektu daude: RENOVABLES izeneko (itsas berriztagarriak) eta HIDRO-TTIPI (erota hidraulikoak berreskuratzea). Eraikuntza jasangarriari dagokionez, ERAKUSBIDEA proiektuak 54.410 euro jaso ditu, Euroeskualdearen eremuan egurraren eta beste material natural batzuen bidezko eraikuntza jasangarria sustatzeko eta horren inguruan sentsibilizatzeko.

Mathieu Bergé Euroeskualderako Eskualdeko kontseilariak aukera baliatu du jakinarazteko 2021-2027 aldirako Plan Estrategiko berria egiteko lanak abiarazi dituela Euroeskualdeak, eta plan horren helburu nagusiak izango direla, besteak beste, jasangarritasuna, digitalizazioa, gizarte-koheretza eta enplegua. 2021eko udaberrian amaitzea aurreikusten da.

(informazio+)



- > **Azkoitiak 487.519,18 euroko diru-laguntza lortu du Eskualde Garapenerako Europako Funtsetik (EGEF), argiztapen publikoaren berrikuntzaren %50 kofinantzatzeko, eraginkortasun energetiko handieneko LEDekin.**

Javier Zubizarreta alkateak iragarri duenez, Udalak 487.519,18 euroko diru-laguntza jasoko du Eskualde Garapenerako Europako Funtsetik (EGEF), argiteria publikoa berritzeko. "Lan zaila izan da, eta lan ordu asko egin dira, baina merezi izan du, ebazpena aldekoa izan delako. Udal honek inoiz ez du hain zenbateko handiko laguntzarik jaso. Behintzat, ez dugu horren berririk ", azaldu du Javier Zubizarreta alkateak. "Laguntza eman izana aparteko albiste da", gaineratu du.

Udalak, argiteria publikoa berritzeko laguntza eskaeraren tramitazioa hasi zuen, udalerrian dauden 3.280 argi-puntuetatik 1.963an jardunez, egungo argien ordeztu LED argiak jarritz. Laguntza ezinbestekoa da proiektuan aurrera egiteko, baina nabarmendu behar da proiektuaren inbertsioa, guztira, 975.038,36 eurokoa dela. Hau da, jarduketaren kostuak bikoiztu egiten du laguntzaren zenbatekoa, nahiz eta eskatutako laguntzaren ahalik eta handiena eman zaion, 616/2017 Errege Dekretuan ezarritakoaren arabera. Ezarritako EGEF funtsen baterako finantzaketaren ehunekoa gastu osoaren %50 da.

(informazio+)



> **Material biofuntzionaletarako Imabi partzuergoak Eusko Jaurlaritzaren Hazitek eta EGEFen 2014-2020 Euskadirako Programa Operatiboaren laguntza du, eta Gipuzkoako hainbat enpresa eta zentro teknologiko ditu barne**

Imabi proiektuak zortzi euskal enpresa eta Zientzia, Teknologia eta Berrikuntzarako Euskal Sareko (ZTBES-eko) hainbat eragile biltzen ditu, besteak beste, inplanteak integratzen lagunduko duten produktuak lortzeko.

Bazkideen artean, Gipuzkoan dituzte egoitzak Polimerbio, Herrekor, Tecnia Certification, Polymat, CIC Nanogune eta Cidetec enpresa eta zentroek. AJL Ophthalmic liderra eta beste euskal erakunde batzuk ere parte hartuko dute, hala nola Osteophoenix, IMG Pharma, Histocell, I+Med, UPV-EHU Gobe eta Gaiker.

Ekimena zortzi euskal enpresek bultzatzen dute, eta RIS3 Euskadi estrategiaren barruan identifikatutako ardatzetariko batean sakontzen du, biozientzietan eta osasunean. Enpresen artean, birsorkuntza-medikuntzaren sektorerako material biofuntzionalen garatzaile eta fabrikatzaileak daude (Histocell, Polimerbio, I+Med), beren produktuetan gaitasun biofuntzionalak behar dituzten gailu biomedikoen fabrikatzaileak (AJL Ophthalmic, Osteophoenix eta IMG Pharma), Herrekor, material biofuntzionaletan I+G egiten duen industria-enpresa, eta Tecnia Certification.

Proiektua Eusko Jaurlaritzako Ekonomiaren Garapen, Iraunkortasun eta Ingurumen Sailak finantzatzen du, SPRI Taldearen bidez, Hazitek programaren barruan, eta Europar Batasuneko EGEF funtsak Haziteki aurkeztutako aurrekontu hautagarriaren %50 finantzatzen du. Proiektua bi zutabetan oinarritzen da. Lehenengoa, material biofuntzionalen ikerketa eta ondorengo garapena. Bigarrena, biofuntzionalitate hori partzuergoak aztergai gisa identifikatu dituen xede-gailu biomedikoetan txertatzeko beharrezkoak diren prozesatze-teknologiak.

Adibidez, Herrekor presio bidezko ultzeren prebentzioan eta tratamenduan zentratuta dago elektroestimulazioaren bidez eta, Tecniaarekin, substratu eta elektrodo egokietan aurrera egin du.

Tecnia Certification enpresak, bere aldetik, arau eta ziurtagiri guztiak betetzen laguntzen du, produktu berritzaile horiek hainbat teknologia baitakartzate, ebaluatzeko baldintza zorrotzak betetzen dituztenak.

(informazio+ - Imabi)

(informazio+ - Hazitek deialdi berria)



> **Ekonomia zirkularrari buruzko PRIEM+ proiektuak, STT, Serikat edo Trienenkens Gipuzkoako bazkideak dituenak, Hazitek programaren eta EGEF funtsaren laguntza du, eta Europako Itun Berdearen estrategia aldarrikatzen du**

Eusko Jaurlaritzako Ekonomiaren Garapen eta Ingurumen Sailaren Hazitek programaren laguntzarekin, PRIEM+ proiektua osatzen duen enpresa-partzuergoa 4.0 soluzio teknologiko berriak garatzen ari da. Horiei esker, lehengaiak berreskuratzeke prozesu aurreratuak ezarri ahal izango dira, gaur egun balorizazio egokirik ez duten hondakin konplexuetatik abiatuta.

Semantic Systems buru duen partzuergoa honako enpresa hauek osatzen dute: Ikusmen, STT Systems, Serikat, Reydesa Recycling, Trienenkens, Belako Lanak, Ogerco eta Enerlar Solution; Zientzia, Teknologia eta Berrikuntzako Euskal Sareko zenbait eragileen laguntzarekin, hala nola Tecnalia eta Gaiker, Basque Research & Technology Alliance (BRTA)-ko kidea dena, eta baita ere Inatec eta Aclima Basque Environment Cluster.

PRIEM+ bat dator "European Green Deal" estrategiarekin, industriarako beharrezkoak diren bi trantsizio ezartzen baititu, digitala eta ekologikoa, bi erronka handiei erantzuteko bide gisa: klima-aldaketa eta Europako ekonomiak munduan duen lehiakortasunari eustea, digitalizazioan eraginez, baliabideen erabileran ekonomia zirkular eraginkorra eta deskarbonizatua ezartzeko bide gisa.

Europar Batasunaren Industria Estrategiaren barruan dagoen Ekonomia Zirkularraren Europako Ekintza Plan berria European Green Dealen bloke nagusietako bat da, eta Europako industriari lagundu nahi dio neutraltasun klimatikorako eta lidergo digitalerako trantsizio bikoitzean buru izaten, agertoki globalean lehiakortasuna mantentzen duen bitartean. Covid-19ren pandemiak are arreta handiagoa jarriarazi du itun berdeak Europa suspertzeko bide gisa duen potentzialarengan, eta ardatz horretan oinarritzen dira 2021-27 aldirako Europako aurrekontu berriak, 1,8 bilioi euroekin, jokoan dagoen suspertze-funtsaren 750.000 milioi euroak barne, eta ekonomia berdearen eta zirkularraren aldeko apustua inbertsioen elementu mugiarazlea izango da.

(informazio+ - Priem+)

(informazio+ - Hazitek deialdi berria)



EB 2024: ESTRATEGIA

- > **EBren 2020 Estrategia gaingiduta, 2019-24 Batzordeak 6 lehentasun berri ditu: Itun Berdea, digitalizazioa, jendearen zerbitzura dagoen ekonomia, EB eta bere bizimodua munduan indartsuagoa izatea, eta balio demokratikoak**

Europako Itun Berdea

Europak klimatikoki neutroa den lehen kontinentea izan nahi du, ekonomia modernoagoa bihurtuz, bere baliabideekiko efizientea.

Aro digitalerako prestatutako Europa

EBren estrategia digitalak herritarrek ahaldunduko ditu teknologien belaunaldi berri batekin.

Jendearen zerbitzura dagoen ekonomia

EBk inbertsio-ingurune erakargarriagoa sortu behar du, bai eta kalitatezko enpleguak sortuko dituen hazkundea ere, batez ere gazteentzat eta enpresa txikientzat.

Europa indartsuagoa munduan

EBk munduan duen ahotsa indartuko du, aldeaniztasunaren eta arauetan oinarritutako ordena globalaren bultzatzaile izanez.

Europako gure bizimodua sustatzea

Europak legearen nagusitasuna babestu behar du justizia eta EBren oinarritzko balioak defendatu nahi baditu.

Europako demokraziaren aldeko beste bultzada bat

Europarrei ahots handiagoa eman behar zaie, eta gure demokrazia kanpoko interferentzietatik babestu behar da, hala nola desinformaziotik eta gorroto-mezuetatik sareetan.

(informazio +)



> Elgoibarko AVS enpresak, NASAren lankide izan denak Marte planetako giza arrakasta handi eta berrienean, Europako Espazio Agentziarekin lan egingo du baita ere, ilargirako proiektuetan

Markel Olano ahaldun nagusiak eta Jabier Larrañaga Sustapen Ekonomikoko eta Proiektu Estrategikoetako diputatuak lan-bilera bat egin dute Added Value Systems (AVS) enpresako arduradunekin. Enpresa hori nazioarteko erreferentea da espazioaren sektorerako eta instalazio zientifiko handietarako maila teknologiko handiko proiektuak garatzen. Elgoibarren dauden instalazioetara egindako bisitan, Miguel Ángel Carrera arduradunak harrera egin die, eta konpainiak esku tartean dauzkan proiektuak partekatu ditu foru-arduradunekin; besteak beste, NASAren M2020 misioan parte hartu du, planeta gorrian otsailaren 18an lurreratzea aurreikusita zegoelarik, iraganeko bizi-zantzuak bilatzeko eta planetaren klima eta geologia ezaugarritzeko.

Era berean, misio horri esker indartu egingo da Europako Espazio Agentziak datozen urteetan Ilargia esploratzeko dituen proiektuetan AVS-k duen posizionamendua; izan ere, aipatutako misioan ere lagunduko du Marteko laginak bueltan ekartzeko. Gipuzkoako konpainiaren eta ESAren arteko lankidetzak duela urte batzuk hasi zen, asteroideen laginak biltzeko sistema bat diseinatu zuenean. Ordutik, 20 kontratu baino gehiago sinatu ditu erakunde horrekin. Besteak beste, Copernicus Lurraren Behaketa Programa handinahirako sistemak hornitzekoa, sateliteentzako gailuak garatuz. Satelite horiek bizitza erabilgarria amaitu dute, eta orbita seguruetara baztertu behar dira desintegratzeko, edo bizitza erabilgarria luzatzen duten zerbitzuak behar dituzte, hala nola sistemak gehitu edo ordeztzea, erregea konpondu edo hornitzea. ISRO Indiako espazio agentziarekin ere lan egiten dute.

"AVS bezalako ibilbidea duten enpresak izatea funtsezkoa eta ilusionagarria da Gipuzkoa bezalako lurralde txiki batentzat", adierazi du ahaldun nagusiak; izan ere, "Lan egiteko bideak irekitzea eta etorkizunerako erronka garrantzitsuenetako batzuetan parte hartzea da" Europarentzat, ikerketa aeroespaziala eta eraldaketa industrialak baino ez baitira. "Balio horiek guztiak direla eta, AVS Gipuzkoako enpresa berritzaile, lehiakor eta lurraldearekin konprometituaren adierazle argia da. Eredu hori indartzen jarraitu behar dugu pandemiak sortutako krisiari aurre egiteko", gaineratu du.

(informazio+)



> **Europak Basque Digital Innovation Hub-en ETEekiko lana saritu du; bazkide gehienek Gipuzkoan dute egoitza, hala nola Lortek, Tekniker, Ideko, Ikerlan, Ceit, Cidetec, Tknika, Nanogune, Vicomtech, MU, Polymat, IMH edo GAIA**

Sari hori Digital Innovation Hubs - DIHnet sare europarrak ematen du, eta, horrekin batera, Europako ETEen eraldaketa digitalari laguntzeko eskualde-ekimenak aintzatesten ditu.

Hain zuzen ere, Europako Batzordeko presidente den Ursula Von der Leyenek berriki aitortu zuen Basque Digital Innovation Hub-en jarduera, irtenbide digital eta jasangarrien testea eta baliozkotzea errazteko tresna gisa, eta berariaz aipatu zuen eraldaketa digitala babesteko euskal ekimena, Eskualdeetako Lantaldearen azken osoko bilkuran egindako hitzaldian. Von der Leyenek Euskadiko Gobernuak Basque Digital Innovation Hub (BDIH) proiektuaren bidez garatzen duen digitalizazio-politika jarri zuen adibide gisa.

Saria Digital Innovation Hub-en urteroko topaketan eman da, Europako Batzordeak eta DIHnet sareak antolatuta. Urtarrilaren 27an egin da, eta 2.600 lagun baino gehiago bildu dira.

Arantxa Tapia Ekonomiaren Garapen, Iraunkortasun eta Ingurumen sailburuak adierazi duenez, Euskadi prest dago indarrak beste herrialde batzuekin batzeko, "Europako industria adimendunean konfiantza digitala sortzeko". Tapiak modu telematikoan parte hartu du DIHnet Champions Challenge-ren sari-banaketan, Europako Batzordeak urtero antolatzen duen DIHen konferentzian. Bertan, euskal I+G publiko-pribatuko eskaintza teknologikoa eta azpiegiturena izan da garaile, Basque Digital Innovation Hub (BDIH), alegia.

Ildo horretan, gaineratu du Eusko Jaurlaritzaren helburua dela euskal industria balio-kate digital globaletan txertatzen laguntzea, datuen truke zibersegurua ziurtatuz, eta, horrela, EAEko eta Europako enpresei beharrezko azpiegitura eskaintzea, konponbideak garatu eta froga ditzaten, eta Europako zibersegurtasunean eta Adimen Artifizialean espezializatutako DIH guneezi azpiegitura arin eta segurua ematea, euskal berrikuntza ekosistemari lotutako, ekoizpen adimenduneko produktu eta zerbitzu berrien garapena erraztuko duena.

(informazio+)



DOKUMENTU INTERESGARRIAK

> **Gipuzkoako eta Europako perspektibak baloratu ditu Gipuzkoako Ganberak 2021eko Ekonomia Koiunturazko txostenean, eta Next EUrako Gipuzkoako trakzio-proiektuek enpresa txiki eta ertainak ere inplikatzeko eskatu du**

Gipuzkoako Ganberak 2021eko Koiuntura Ekonomikoaren Txostena eta Merkataritza Ganberek 2020ko laugarren hiruhilekoan Europa mailan egindako Aurreikuspenen Inkestaren emaitzak aurkeztu ditu.

"Europak eta Espainiak beste eskualde batzuek baino denbora gehiago beharko dute suspertzeko. Nazioarteko merkatuak funtsezkoak izango dira jarduera eta fakturazioa berreskuratzeko".

"Europa ekonomikoki gehien kaltetutako eskualdeetako bat izan da. Euroguneko Barne Produktu Gordina %7,2 jaitsi da, AEBko BPG %3,4 eta Saharaz hegoaldeko Afrikakoa %2,6. Txinako BPG aldiz, %2,3 handitu da".

"2021erako hazkunde aurreikuspenak daude, eta pandemiaren bilakaerak baldintzatuta, pozgarriak dira. Munduko BPG %5,5 haziko dela aurreikusten da, %4,3 ekonomia aurreratueta eta %6,3 gorabidean dauden merkatuetan. Eurogunerako aurreikuspena %4,2koa da (Frantzia %5,5, Alemania %3,5, Italia %3); AEB %5,1 haziko da, Latinoamerika %4,1, eta nabarmentzekoa da ere Asiaren portaera ona, bereziki Txina (% 8,1) eta India (% 11,5)".

"Europa eta Espainia izango dira COVID krisiaren aurreko maila ekonomikoak berreskuratzeko denbora gehien beharko duten eskualdeetarikoa. Nazioarteko merkatuek aukera hobeak aurkeztuko dituzte, eta, horregatik, Gipuzkoako Ganberak nazioartera zabaltzeko deia egiten die enpresei, eta jarduera garrantzitsu horretan ahalik eta laguntza handiena bermatzen die".

"Mugako itxierak eta mugikortasunerako oztopoak gorabehera, esan dezakegu Gipuzkoako enpresen esportazioak berreskuratzen joan direla konfinamenduaren ondoren".

Ganberako presidenteak, Pedro Esnaolak, Gipuzkoako enpresa txiki eta ertainei laguntzeko eskatu zien Next Generation EUn aurkeztutako proiektuetan parte hartzen duten enpresa handiei, eta horiek partzuergoa osatzera eta dimentsioa irabaztera gonbidatu zituen.

[\(informazio +\)](#)



> **EBrako susperraldi iraunkorra: testu azterketazko ikuspegi bat, EBren Berreskuratze Plana Garapen Jasangarriko Helburuen arabera mapeatzeko, EBrako Euskadiko Ordezkaritzaren Txostena**

EBren Berreskuratze Plana aukera-leiho paregabean da Covid-19ko krisiari heltzen dion sistema sozioekonomikoa berrabiarazteko, garapen jasangarriaren aldaketa sustatuz. NBERen 2030 Agendak, bere 17 helburu eta 169 jomugekin, iparrorratza eskaintzen du susperraldia modu jasangarrian bideratzeko, ekonomiaren, gizartearen eta ingurumenaren dimentsioak modu sistemikoan kontuan hartuta. Europako Batzordeko presidentearen orientazio politikoei 2030 Agendari eta haren GIHei funtsezko eginkizuna esleitzen diete, eta garapen jasangarria politika nazionalen eta EBren giltzarri gisa kokatzen dute.

Testuinguru horretan, Joint Research Centre-k, EBaren Ikerketarako Gune Bateratuak, txosten bat egin du, eta txosten horrek hobeto ulertzen laguntzen du nola EBko Berreskuratze Plana Garapen Jasangarriko Helburuen esparruarekin lotzen den, Planaren funtsezko dokumentuak NBERen helburuekin eta jomugekin automatikoki mapatuta. Testu-azterketa hori eskuragarri dauden eta 2020ko maiatzetik irailera bitartean argitaratu diren dokumentu batzuei aplikatu zaie, eta GIHen aurretiazko hautaketa bat eskaintzen du Berreskuratze Planean. Izan ere, Berreskuratze Plana etengabe ari da garatzen, legegintzako eta legegintzaz kanpoko egintza berriak idatzi eta bereganatuz; beraz, emaitza horiek bat-bateko emaitza dira, eta denborarekin alda daitezke.

Berreskuratze Planaren ebaluazioak adierazten du Europako Batzordea ahalegintzen dela garapen jasangarriaren helburuak lortzen aitzindari izaten, eta Planak are gehiago bizkortu dezakeela EB jasangarriago, berdinduago, bidezkoago eta erresilienteago baterako trantsizioa.

(informazio + - albistea)

(informazio + - txostena)



EUROPAKO DEIALDIAK

> COSME 2020 deialdia – Europako Klusterren bikaintasunerako programa ClusterXchange eskemarekin, ekosistemak eta hiriak lotzen dituen

- Helburuak:
 - Bikaintasuna klusterren kudeaketan
 - Ekosistema espezializatuekin trukatzeko eta elkarkidetzeko
 - ClusterXchange mugikortasun eskema garatzea
 - ETEen lehiakortasuna eta merkatu globalerako sarbidea
 - Klusterren barneko indartzea eta ikaskuntza
 - ETEentzako laguntzaren profesionalizazioa
 - Eskualde eta sektoreetako "siloeak" indartzea
 - Industria eta lanbide modernizazioa eta espezializazioa
- Ekintzak:
 - Klusterren bikaintasuna:
 - A) ETEentzako zerbitzu hobekak,
 - B) zerbitzuen zorro integrala,
 - C) klusterreko bazkideen edo klusterren arteko jarduerak
 - ClusterXchange: klusterren eta bere erakundeen, enpresen, prestakuntza hornitzaileen, eragile publikoen edo agentzien arteko trukeak
 - Aurrekoei buruzko sentsibilizazioa eta zabalkuntza
- Aurrekontu orokorra: 6 milioi €

(informazio+)



> COSME 2020 deialdia - Enpresa txiki eta ertainek teknologia aurreratuak eskuratzeko elkarkidetza estrategikoak

- Helburuak:
 - EBren berreskuratze ekimenari laguntzea
 - Enpresa txiki eta ertain teknologikoen eta tradizionalen arteko aliantzak
 - Krisiaren aurkako egokitzapen/transferentzia teknologikoa/ transferencia tecnológica anticrisis
- Ekintzak:
 - Behar teknologiko komunak dituzten ETE tradizionalen arteko aliantzak
 - Aliantzen eta ETE teknologikoen arteko zubiak
 - Parekatze-ekitaldiak (gutxienez 1)
 - Zentro teknologikoen eta klusterren laguntza transferentziarako
 - Egokitzerako aukerak eta mehatxuak aztertzea
 - 2 ETE motentzako zabaltzea/mobilizatzea
- Aurrekontu orokorra: 5 milioi €

(informazio +)



> COSME 2020 deialdia - Turismoa: digitalizazioa, berrikuntza eta teknologia berriak nazioz gaindiko lankidetzan eta gaitasunen garapenean

- Helburuak:
 - Nazioz gaindiko, mugaz gaindiko eta eskualdeen arteko lankidetza
 - Enpresen eta beste eragile batzuen arteko lotura, elkarte publiko-pribatua barne
 - ETEen hazkunde adimenduna eta iraunkorra
 - Merkataritza-eredu digital berriak
 - Berrikuntza kudeaketan eta eskaintzan
- Ekintzak:
 - 3 herrialde edo gehiagoko 60 ETEri edo gehiagori laguntza finantzarioa eta teknikoa emateko partzuergoak sortzea.
 - Partzuergoaren / proiektuaren eta ETE onuradunen helburuak identifikatzea
 - Ezagutza eta gaitasunak transferitzeko eskemak
 - Baita goi-mailako soluzio digital eta adimendunenak, teknologia eta berrikuntzarenak
 - Enpresa txiki eta ertain onuradunak hautatzea
 - ETEei finantza-laguntza ematea
 - ETEak partzuergoei igortzeko sistema
- Aurrekontu orokorra: 8 milioi €

(informazio +)

"EUROPAKO FUNTSAK GIPUZKOAN" webgunea